

**ADDENDA PARA PRORROGAR A VIXENCIA DO “CONVENIO DE COLABORACIÓN ENTRE O CONCELLO DE PONTEVEDRA E A DEPUTACIÓN PROVINCIAL DE PONTEVEDRA PARA LEVAR A CABO O PROXECTO DE ACONDICIONAMENTO DA PARCELA SOBRE A VÍA FÉRREA NA RÚA DOCE DE NOVEMBRO”**

**DOCUMENTO ASINADO ELECTRONICAMENTE POR:**

Pode verificar a integridade deste documento  
no enderezo: <https://sede.depo.gal>  
Código seguro de verificación (CSV): J27MQTDI6RTHV5B0



## **ADDENDA PARA PRORROGAR A VIXENCIA DO “CONVENIO DE COLABORACIÓN ENTRE O CONCELLO DE PONTEVEDRA E A DEPUTACIÓN PROVINCIAL DE PONTEVEDRA PARA LEVAR A CABO O PROXECTO DE ACONDICIONAMENTO DA PARCELA SOBRE A VÍA FÉRREA NA RÚA DOCE DE NOVEMBRO”**

Na data da sinatura electrónica

### **INTERVEÑEN**

Dunha banda, D. Luís López Dieguez, na súa condición de Presidente da Deputación Provincial de Pontevedra, actuando en virtude das competencias que lle atribúe o artigo 34.1.b) da Lei 7/1985, de 2 de abril, reguladora das bases de réxime local.

E doutra parte, D. Miguel Anxo Fernández Lores, Alcalde do concello de Pontevedra, actuando en virtude das facultades que lle atribúe o artigo 124.1 e 124.4 da Lei 7/1985, de 2 de abril, reguladora das bases de réxime local.

Actúan D. José Carlos Castiñeira Piñeiro, en calidade de secretario do concello de Pontevedra, e D. Carlos Cuadrado Romay en calidade de secretario da Deputación Provincial de Pontevedra, dando fe do acto que se celebra.

Ámbalas dúas partes actúan nas representacións expresadas e recoñécense reciprocamente capacidade bastante para o outorgamento e formalización desta addenda, con base nos principios de colaboración, cooperación, coordinación e eficacia que deben presidir as actuacións das Administracións Públicas e, de común acordo,

### **EXPOÑEN**

**I.-** Que con data de 23 de decembro de 2021 foi asinado o CONVENIO DE COLABORACIÓN ENTRE O CONCELLO DE PONTEVEDRA E A DEPUTACIÓN PROVINCIAL DE PONTEVEDRA PARA LEVAR A CABO O PROXECTO DE ACONDICIONAMENTO DA PARCELA SOBRE A VÍA FÉRREA NA RÚA DOCE DE NOVEMBRO.

**II.-** Que o convenio asinado, na súa cláusula “NOVENA” indica que:

“O investimento obxecto deste Convenio deberá estar executado e finalizado na data límite do 31/12/2023, fixándose un prazo de xustificación ata o 30/04/2024.



No caso de imposibilidade de remate das obras ou xustificación nos prazos referidos, as partes poderán acordar a ampliación dos mesmos ata o 31/12/2024.

O presente convenio producirá os seus efectos desde a data da súa sinatura ata a total execución dos contratos aos que o mesmo se refire, ou vencemento do prazo máximo inicial ou prorrogado previsto neste Convenio.” .

**III.-** Que a cláusula “OITAVA” do mesmo convenio prevé unha “COMISIÓN DE SEGUIMIENTO E CONTROL” para o seguimento e coordinación da execución do mesmo, así como para a resolución das dúbidas que poidan producirse na súa interpretación.

Dita comisión de seguimento e control constituíuse en representación das partes pola preceptiva resolución da Presidencia da Deputación Provincial de Pontevedra de data 26 de setembro de 2023, e, no que ao concello de Pontevedra se refire, polo decreto da Alcaldía-Presidencia de data 25 de agosto de 2023.

**IV.-** Que, en data 28 de setembro de 2023, a “COMISIÓN DE SEGUIMIENTO E CONTROL” do Convenio reúnese con motivo de non ter iniciado o proxecto, e preverse no convenio que o investimento obxecto do mesmo ten como data límite de finalización o 31 de decembro de 2023.

A demora no inicio do proxecto ven dada pola necesaria autorización do Administrador de Infraestruturas Ferroviarias (en adiante ADIF), para a utilización do falso túnel da rúa Doce de novembro, e ao terse ao concello por desistido da solicitude da mesma por resolución de ADIF de data 23/06/2023, é necesario realizar de novo o trámite para a obtención da autorización e proceder á licitación das obras, todo elo con carácter previo a súa execución, polo que se acorda por unanimidade prorrogar a vixencia do convenio ata o 31 de decembro de 2024, co obxecto de adecuar o convenio as necesidades de execución real das obras.

**V.-** Por todo o anteriormente exposto, ambas as partes manifestan expresamente o seu propósito de asinar unha addenda co obxecto de proceder á adecuación temporal do “Convenio de colaboración entre o concello de Pontevedra e a Deputación Provincial de Pontevedra para levar a cabo o proxecto de acondicionamento da parcela sobre a vía férrea na rúa Doce de novembro” ; conforme ás seguintes



## CLÁUSULAS

**PRIMEIRA.-** A Deputación Provincial de Pontevedra e o concello de Pontevedra acordan adecuar o prazo de vixencia do “CONVENIO DE COLABORACIÓN ENTRE O CONCELLO DE PONTEVEDRA E A DEPUTACIÓN PROVINCIAL DE PONTEVEDRA PARA LEVAR A CABO O PROXECTO DE ACONDICIONAMENTO DA PARCELA SOBRE A VÍA FÉRREA NA RÚA DOCE DE NOVEMBRO”, ampliándose o mesmo ata o día **31 de decembro de 2024**.

**SEGUNDA.-** En todo o demais, o texto do convenio asinado en data 23 de decembro de 2021 mantense invariable, suxeitándose as partes ao seu clausulado.

E para que así conste, en proba de conformidade, as partes que interveñen asinan a presente addenda na data da sinatura electrónica.

Pola Deputación Provincial

Polo Concello de Pontevedra

Asdo.- Luís López Dieguez

Asdo.- Miguel Anxo Fernández Lores

O Secretario da Deputación  
de Pontevedra

O Secretario do Concello  
de Pontevedra

Asdo.- Carlos Cuadrado Romay

Asdo.- José Carlos Castiñeira Piñeiro

